

III.

REGNUM MORTUORUM.

Nro. 86.

*Secretum litterarum Commercio inter Vivos
et vita functos.*

Ex mundo superiore.

Elysium-Meum.—Die Martis 12. Dec. 1809. (Neov. 24. Nov. 1809.)

Ancilla quaedam ex mundo superiore ad
quemdam Invalidum militem in Elysio.

Non audeo meminisse, animo dilecte Joannes! te supremum diem obiisse; eras una spes mea in hoc mundo, continuo me solabar illa cogitatione, fore futurum: ut promissis satis facias, meque thori sociam adsciscas. Nunc — peris, disperis!

Eras quidem invalidus, unius solum pedis — at quotidie mecum confabulabare, nova, bellicosque eventus mihi narrabas, hic erat tibi sermo in deliciis; hodie, parum narrandum tibi suppeteret, ob defectum memorabilium eventorum. Pax nobiscum.

Equidem saepius expendi animo meum tuumque vitæ genus. Masculinus sexus multo felicior in hoc orbe est foemineo. Dantur domus invalidorum, habebas Invalidorum stipendium, verum misellæ nos puellæ, nec domum, nec stipendium Invalidorum habemus, hæc meditationes occasione obitus tui vehementius animo meo oboriuntur,

Muliebrem saxum in regula, ut ajunt, comparando cum maculeo difficiliorem vitæ aliunde conditionem habere, levioramque ac tenuiorem pro locata opera mercedem acquirere, animadversio est; quam experientia docet, quæque cumprimis corde expendenda commendari potest.

Certum statui potest: vilissimum opificem minimum 3—10 grossos promereri, contra vero diligentissima, intelligentissima simbrias ludiculis texens, elegantissimo vestes liness lavans, fila aurea seu phrygia dexterimine intexens femina, sutrix, aut netrix peritissima improbo labore quotidie 4; summum senos grossos promeretur.

Porro demonstrari potest: fontes sustentationis, & vitæ subsidiorum præterea foemineo sexui per mares undique obstrui; e. c. in Sarroria, arte phrygia acu pingendi, coquendi, ut adeo quævis occupationes, quæ natura sua faeminarum operationes destinationeque esse videntur, hodie prope omnes masculino ordine provideantur. —

Quæ solutio famuli ad Ancillam? — Ille sane majorem habet mercedem; & ejus servitia potissima ex parte nec momentosa neque molesta; partem diei spatiando, vanitati heri aut serviendo, exigit; residuam ludendo, obiectando semet, leviterque æs prodigendo traducit.

Contra ancilla quantis dstringitur! Sæpe officia Cocæ, gerulæ, pedissequæ, Camerariæ una eadem obire debet: pro vili &

exigua mercede. Famulus insuper vestitur, hæc vestiariam supellectilem ex propria bursa providere debet — ille, horis vacuis a servitio residuis otio subtractis, aliquid præterea promerari potest, at ancilla ab ortu occasum usque distinctur agendis, temporeque plene excluditur quidpiam pro se suendi, corrigendi, lavandi, sæpe aliorum extra domum operam sæpe conducere cogitur.

Et tandem — omnibus adversantibus, mas militiæ dare nomen, in ea dimicare, tandem Invalidorum ad ædes venire potest; at puella? — non dantur faciinæ milites, nec invalidæ! —

Hæ sunt meditationes, quibus discrucior; — te jam æternus tenet, sopor. — Utinam te quocius sequar! — Cum vero secundum votum meum mundo excedere mihi non liceat, aliquot nova, quibus tantopere afficiebare, in tesseram pristini amoris tibi transmittito.

Parisiis 19. Nov. Nudius tertius Imperator comite Saxonie rege in saltibus Versaliensibus venatui indulgebat.

Ex quo tempore nulli exercitus promoveri, neque fictæ, aut veræ pugnæ describi possunt, Ephemerides aliis rumoribus replentur generibus. Somniant nunc de politicis mutationibus in publica plurimum Statuum administratione; ipsæ sibi regna condunt, Imperantes præficiunt, & ut fabulis suis meliorem formam induant matrimonia commiscuntur; ita non pridem sparserunt: Pri-

cipem Pomyatowsky cum Augusta Saxoniae desponsandum. — Omnes hi rumores inanes & vani sunt, amentes potissimum fabulae, otiosos oblectandi gratia proeusa. (Diar. Imperii.)

Londino die 13. Nov. Ephemerides nomine Star, inquebant heri: Annunciare hodie possumus, a Ministris decretum esse, Hispania Portugalliaque decedere; secundum omnes ab officialibus agentibusque in utroque regno his factos nuncios negotium hispanicorum patriotarum in eo versatur cardine, ut exigua aut prorsus nulla spes supersit. Id porro annunciare possumus: Ministros decrevisse decedendum esse Insula Walohria; novae, quae eo expediuntur copiae destinatae sunt defendendae praesidiariorum transvectioni, & bellicae penae; item demolendis munimentis & quibusvis, quae hosti usum prestare possent."

Plures ab exercitu in Hispania duces jam advenere. In his numerantur Gen. Daces Stewart & Wilson. Lordius Wallington Hispalim abiit fratrem suum, ante discessum ejus, conventurus.

Hispanica Junta Danicae bellum *formaliter* declarabat, quod eas aula legatum plena cum potestate ab ea instructum agnoscere rocusaverit.

Caesareus Austriacus legatus Princeps a *Stahrenberg* ab aula sua Jussim vigore 16. Art. Tract. Vindob. Anglia excedendi, natus est.

Vindobona die 13. Nov. Decessio Copiarum Galliarum ex hac urbe, & circum-sita regione usque Günzelsdorf, Sighardifacum, & Stockeraviam usque 19 h. perficienda videtur. — Aulica Commissio omnem intendit operam, ad procurandas ad eam necessarias vecturas, hodie quoque Edicto publico Incolæ equis curribusque instructi convocati sunt, ad adjuvandos pro his necessaries transportus &c.

Parisii 20. Nov. Deputatio Græcæ Synodi Dalmatiæ hesterno die Imperatori ex sacro officio reduci per Ministrum negot. est Regni Italiæ C. Mariscalchi presentabatur; Præses Deputationis Eques Stratico Idiomate Italico S. Maj. alloquebatur, in epilogo agebat, „Domine! Gloriosa Viennensi pace, fructu admirationis plenarum victoriarum tuarum, quo sub præsidio tui genii vetusta Illyrici nominis gloria devoto reviviscet, numerosas communitates occupabas Orientali ritui addictas; Novi hi subditi Princeps! pleni fidei & studii in sacram tuam personam erunt, eaque gratia, atque benefica sollicitudine dignos se reddent, quæ continuo notam magnitudinis præsefert, tibi soli propriam, quod continuo eo tendas, ut in societate sensa tolerantis, amoris, concordis, a quibus potissimum honor Dei, pax familiarum, nationum salus, potentis durabilitasque Imperiorum pendet, prædominentur.”

Auditor Status Consilii *Cochélet*, Intendens Comit. Goriciensis denominatus est.

Ex Castris infra Baseno die 1. Nov. Relatio. „Conformiter Jussui Excel. D. V. hodie 1. Nov. 4 matutina cum agminibus pedestribus, tribusque equestribus Centuriis egressus sum, hostilem Cohortem Vallonicis Prætorianis, helvetiis legionibus, Granatariisque constantem 8000 virorum peditatus, adorturus, ex Bakiano agmine; repari hostem circumvallatum ad S. Colomam, ubi in omnibus domibus jaculatorias stationes adplicuit. Præterea copias in collibus disposuit, post vallum amplum. Jussi Collonellum Espert cum pedestri 42 legionis agmine inter Rieude-Réas & stationem Insurgentium, vallum transire, ut postremos occupando colles in dextro latere circumdare possim, interea ejusdem legionis 3um, quartumque tertiæ levis legionis idem faciendum habebat ad hostem in læva ala circumveniendum. Gen. Dux Dumoulin jussum habebat S. Columam scloporum Bajonetis occupandi, ad quod perficiendum 3 Dimachorum legiones ei operam navabant, quæ agmina primæ legionis pedestris adjuvabant.

Omnia hæc Jussa e sententia effectui dabantur, exacto trium horarum minoribus sclopis conflictu hostis omnibus stationibus ejectus, ad maximam perturbationem deductus est.

Debet is salutem solum insuperabilibus difficultatibus quas montes, ad quos fugam arripuit, præbent, — omnia castra ejus combusta, impedimenta occupata, 100 equi

ex equitatu adprehensi, aut interempti; 300 in captivitatem abducti, inter quos 3 Vice-Colonelli, porro jacuam tulit 3000 virorum qui partim occubere, partim vulnerati, aut in turpem fugam adii sunt, versus S. Hilarium se recedere ubi residua Blakeatorum pars moratur. Strenuitas copiarum hac occasione edita omni laude eminet, &c. *Subscr. Souham.*"

Moquantinæ memorant G. Ducem Souham valentidinis causa Gallias petisse, G. D. Verdier cum imperio militari agmini præesse.

Londino 13 Nov. Quædam nostrarum principiarum questionem movent: An optandum & opera danda Aegliæ: ut Colonia Hispanicæ a matre Civitate se liberent, liberæque se declarent? — respondentque huic questioni politica deductione.

In argumento Solennium Jubilæi regniis die 25 h. m. hæc addenda:

Factæ a regimine dispositiones erant hæc:
 1) Remissio erga fidem datam bello captorum Russorum. 2) Dimissio quorumvis ob debita Coronæ incarcerationum. 3) Universalis et irrestricta Amnestia deserentium Castra in navali exercitu. 4) Amnestia desertoribus exercitus terrestris concessa sub conditione Castra repetendi. Admiralitas extraordinariam distributionem victualium fecit virisim Classiaro legnam vini aut mediam Cremati, singuli 8 libras bubulæ 4, faris 3, & uvarum passerum libram ad conficiendum farinamistum globum nationali verbo Pudding ad



pellatam, obtinuerant. — In omnibus regni urbibus militares & voluntarii ignes festivos in signum lætitiæ instituerunt, exercitationesque militares, & more gentis Anglicanæ jubilaris exclamations Huzza! In omnibus Ecclesiis super adcommodis textibus sacri Sermones. Publica Convivia non deerant, multique potentes Dynastæ locatores suos opiparo convivio excoepere. In multis urbibus conflatae pecuniariæ Summæ, ad liberandos e nexibus alieni aeris contracti causa debitores. Lanii Vindsorienses in publico foro grandem bovem integrum assarunt, opimaque frusta regiæ familiæ obtulerunt. Londini quævis publica & pleraque in urbe City ædificia magnifice erant collustrata. Diversi coetus epulas celebrarunt; harum celebratissimæ erant Sartorum vestimentis quæstum facientium, plusquam 250 constantes gentilibus (Gentlemen) inter quos advertebantur Lordii: S. Vincentii, Liverpool, Mulgrave, Cambden, DD. Erskine, Perceval, Canning, Sheridan, Elliot &c. Argentarius D. Bersterlong illi præedit &c.

Epigrammata ex german. — Ita est, non aliter.

Adversos casus, torva cur fronte dolemus?

Non redit amplius id, quod senel interiit!

Sed grave reddit onus levius, patientia nobis.

Cuculus — alauda.

Qui fit amanda soror! Cuculus dicebat alaudæ.

Quod cedant nobis, Calliditate græcæ?

Demonstrant, ait hæc ridens, documentaque præbent:

Quod stolidos iter, haud excolat arte, frequens.